

A Escola de Teatro Kotodama vén de anunciar que o aclamado artista escénico arxentino, Marcelo Katz, impartirá un taller de clown do 1 ao 4 de maio en Verín. Devandita formación será gratuito e realizarase na escola de teatro Kotodama, cun espectáculo final que percorrerá as rúas da cidade.

Katz é un experto en clown, oratoria, bufón, máscaras, teatro e coaching, e é director da prestixiosa Escola de Clown Espacio Aguirre en Buenos Aires, onde estivo impartindo clases durante máis de 30 anos. Ademais, viaxou por todo o mundo como docente e artista, ensinando e actuando en cidades de Latinoamérica, Europa e Estados Unidos.

Segundo Emilia Somoza, a concelleira de Educación, Cultura e Festexos do Concello de Verín: "É toda unha honra contar coa presenza dun artista da talla de Marcelo Katz no noso municipio. Este taller gratuito é unha gran oportunidade para que os cidadáns de Verín aprendan dun dos mestres do clown máis importantes do mundo".

Para Cañaveral, director de Kotodama: "Marcelo é un profesional que entrenou a artistas do Circo do Sol, que veña a Verín é un auténtico luxo".

O taller levarase a cabo do 1 ao 4 de maio, de 17:00 a 21:00, e está patrocinado pola concellería de Educación, Cultura e Festexos do Concello de Verín.

Para obter máis información, pode chamar ao 600234318.

O aclamado artista argentino Marcelo Katz ofrece un taller gratuito de clown en Verín

Mércores, 19 Abril 2023 11:28
